

INCORE DES SOUCOUPES. —

Leu' journée finie tros camarades ar-
vénottent insonne, in longeant ch'ca-
nal... Et i parlottent advinez ed' quo ?
Ed ches soucoupes volantes... Car chest
fini ed parler politique...

— Te sais bien qu'chest des bleues
vues !... qui digeot l'premier.

— Ml, j'sus comme Saint Thomas,
qui digeot l'deuxième : J'y eroras
quand qu' j'in voras.

— Zef, el dernier, croyot à ches sou-
coupes dur comme du fer...

Tout d'in caup, el ciel es' décurvie
et vla la lune qui s'amoute et qu'a
s'réflète dins ch'canal.

Cha légeot enn' belle soucoupe do-
rée, et dins l'elapettis d'chelle lau, on
érot juré qu'all' bougeot et alle avot
l'air ed' s'allonger comme in cigare.

— Ravise, dit Zef. Ravise si qu' j'a
raison... Tiens in vla enne et enne bel-
le... Si qué j'prinds pont ch'marsonin
prigeonnier, j'veux y perdre mln nom ?
Adon, i commence à s'débiller... pur
li plonquer dins ch'canal et nanger
pur atteindre chell' soucoupe.

Voyant cha, ses deux camarades, ils
l'impêchent. Pinsez donc... à l'saison
qu'o sommes nous homme l'risquol
d'attrapper enne congestion et d'y res-
ter. O voyez cha d'iehl !!!

Adon ils emmènent Zef ed forche à
s'mason lui qui rouspétot, follet intin-
de comme...

Edpis Zef iest brouillé à mort avec
ses deux copains.

I leus arprochent d'avoir été, à s'pla-
che, arrêter ch'marsonin pur eux s'par-
tager el prime ed tros millions...

Surtout, n'allez pont li dire el con-
tralre si qu'o n'volez pont vous intinde
dire quo zêtes el complice d'nous deux
gins... Et pis qui gna pus d'camara-
des...

G. LIÉTOR.